



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

2. Monstra orcinæ.

[urn:nbn:de:hbz:466:1-68709](#)

fluvius seu palus infernalis, significatque *mæstitiam*: quid enim apud inferos, nisi illætabilis horror? vel dicitur ἀπὸ τοῦ συγκριτικοῦ, timeo, odio. Injicit enim odium erga transacta facinora, quæ sera pœnitentia consequitur. Ex Styge profluuit *Cocytus*, nomen habens ἀπὸ τοῦ κωνυχεύου, *lamentari, lugere*. Præter hos fluvios aut paludes, ambit regiam Plutoniam

----- rapidus flammis torrentibus amnis

Tartareus *Phlegethon*; torquètque sonantia saxa. 6. Æneid.

Appellationem trahit à φλέγω, ardor.

Serviunt hæc omnia ad doctrinam moralem:

Nam II. (b) Quod Poëtae Plutonem fecerint regem Erebi potentem, sceptroque tremendum, meritò possumus transferre ad cacodæmones, qui ab Apostolo Ephes. 6. vocantur *Principes & Potestates, & Rectores mundi ac tenebrarum*. Quorum quanta sint odia, & quam crudelis tyrannus in genus mortalium, qui vel apud inferos ab iis torquentur, vel in vivis exigitantur, non est necesse pluribus ostendere; cum ē sacris constet litteris, hos esse tortores & carnifices à Deo immissos ad sontes cruciandos. Nec incredibile est, dæmones terribilium bestiarum formas assumere ad damnatos horribilius torquendos. In Isaia legimus c. 34. *Et occurrit demonia onocentauris, & pilosus clamabit alter ad alterum: ibi cubavit lamia, & invenit sibi requietum.* *Onocentaurus* est monstrum ex asino infernè, & ex homine supernè conflatum. *Pilosus*, sunt dæmones, specie hircorum, quos sæpe in conventibus sagarum induunt, quosque vetustas Faunos & Satyros dixit. *Lamiae*, sunt dæmones succubi, vel illorum spectra, quæ *Empusa* dicuntur, apparentque mulierum formâ, ad homines in Venerem illiciendos & perdendos; inceduntque uno pede. Huc applicari potest, quod Deus Deut. 32. minatur. *Dentes bestiarum immittam in eos, cum furore trahentium super terram, atque serpentum.* Quis enim satis explicet, quibus larvis sese Alastores teterimi, extra & intra Stygem hominibus objicerint, objiciantque? Unde sacris in paginis afficiuntur nominibus variis, videlicet *serpentum, scorpionum, leonum, pardorum, luporum, vulpium, aporum* &c. Terribile est, quod noster Matthæus Raderus scribit in Viridario SS. de Cosma monacho; cui inter alia tremenda spectra sese aspectabilem diabolus fecit hoc modo: Ad formidandi cuiusdam scopuli, & fluminis infra subjecti portam ingentem, modicè apertam, excubabat gigantea mole monstrum, aspectu fœdum & atrum, truci & atroci vultu, luminibus distortis, grandibus, cruento suffusis, flamarum faces ejaculantibus, naso fumum proflante, lingua totum cubitum extra os extas;

E e e

ertas;

(b) *Monstra oricina.*

ertā; cui dextra manus quasi penitus exanimata & arida, altera verò instar columnæ crassescet, nuda & in longum protensa, quā noxios prehendens, in chaos illud devolyebat. Nec est quidquam, quod possit pingi aut singi tam horridum aspectu, terrificum, truculentum, quin terror, horridior, terribilior, truculentior, monstruosior sit aspectus codæmonum. Hæc ille. Unde apparet, haudquaquam tanquam inania & frivola explodenda hæc & alia Poëtarum commenta, per varias & terribiles formas objicientium orcinos spiritus. Nam si has tollas fabulas, quidni historiarum quoque fidem abroges, illas inferorum larvas diversimodè repræsentantium? Et Plutonem, seu diabolorum principem cum sceptro, in folio, inter adstantes tartari proceres apparuisse, quis non legit? Oportet enim erudire sensus, ut instruatur intellectus. Id, quod hoc in loco monere voluimus, & pluribus in aliis revocari in mentem cupimus. De informibus Acherontis formis recurret occasio memoriandi in Symbolo 100. ubi de Satyris.

III. (c) Plutonis nutum tota inferorum regio contremiscit. Tantæ sunt vires dæmonum, ut si Deus permitteret, elementa naturali robore concuterent, fulmina jacerent, grandine, aquarum inundatione, terræ motibus horrendum in modum lævirent, terrāmque cælo miscerent.

Et quia novem sunt potissimum carceris tartarei supplicia, omnia videntur à Poëtis adumbrata. Primo enim densissimæ tenebræ involunt inferos. Quod innuit Maro 4. Georg. dum vocat

Pallentes umbras Erebi, noctēmque profundam.

Altera sceleratorum apud inferos pœna, est, *Fletus & stridor dentium*. Hæc est Plutonis Musica. Hinc Tartarus dicitur à *turbam* con-turbo; quia illic lamentis omnia & luctibus perturbantur. Vel *ato* *tautoglossa*, id est, à tremore frigoris. Hinc Iarratus tricipitis aut etiam centicipitis, ut Horatius canit, *Cerberi*, inferorum auribus, perdius, pernox tot gutturm latratibus insonans. Hinc lugubres amnes Acheron, Styx, Cocytus, non tam undas, quām lacrimas vehentes.

Tertia, *Fames & Sitis*. Hoc in Tantalo docuere Poëtæ, de quo, Symbol. 52,

Quarta, Fœtor intolerabilis, è tot vivorum cadaverum acervo; è sulphuris & picis oceano; ex tot damnatorum & diabolorum conformatio. Quam ob causam locus inferorum *Avernus* dicitur, quasi *ægros*; hoc est, *avibus* *carens*; Sive quod aves supervolantes gravi eius odore enecentur: sive quod sulphureæ exhalationes aërem usque adeò extinguent, ut aves sustinere non possit. De hoc Virgil. 6. *Æneid*.

(c) *Tormenta inferorum*.

Spelunca